

民國文獻資料叢編

近代
人物年譜
輯刊

國家圖書館出版社 整理

國家圖書館出版社



國家圖書館出版社

整理

近代人物年譜輯刊

第五冊

國家圖書館出版社

第五冊目錄

惜分陰軒主人述略一卷	周憬編	一
心乾氏自編年譜一卷	陳慶容編	一一一
陳玉蒼先生年譜一卷	陳宗蕃編	一二九
松壽老人自敘一卷	張勳編	一四九
且頑七十歲自敘不分卷	李鍾珏編	一六一

叙

周君莘農余之姻婭也兄子用譽娶於袁而周君夫人亦袁出與用譽婦爲姑姪行嚮聞姪婦自述其家世親屬因是得聞周君夫婦治家之道持躬之方輒爲之景慕其人不置顧君服賈申江而余亦奔馳南北未嘗一與謀面也今年秋周君自滬歸攜杖過訪歡然道故藹然可親因出示手稿一編題曰惜分陰軒述略乞弁一言且曰余以一賈人子自幼未嘗學問曷敢有所著述是區區者不過以平生經歷艱難略自叙述俾示後人云耳初無當於大雅也以子誼屬姻婭敢以弁言相屬余受而

讀之見其自幼而壯而老舉其數十年之經歷詳載靡遺由困而亨由窮而通恍然於嚮所聞者之有由來也全編以事編年在昔如梁茵林鄭謙止嚴緇生諸先生以及歸安楊藐翁鎮洋王漱山皆有手訂年譜之作卽吾鄉先輩如鄒小山宗伯及近時王仲華氏高松濤氏孫季芳氏類亦以其生平所經歷一一筆之於書刊行流傳至今猶傳誦焉是編亦其例也周君少遭拂逆中年服賈以勤儉起家令嗣小農以醫行世孫輩亦嶄然見頭角君於是休養家居卜築於西郭外開門見山閉戶讀書白頭伉儷課子弄孫以頤養其天年邑人咸目之爲神仙中人

而其數十年立身處世之道幾經艱難辛苦所賴以積漸至此者又烏可不詳述之以昭示後人乎孔子曰君子思不出其位又曰素其位而行時至叔季世衰道廢羣以好高騖遠急功競利相追逐浸至道德淪胥舉國有臬兀不安之象推原其故皆自忘其所處之位有以致之也周君是編皆日用平常之事惻惻無華庸庸行初無詭畸炫異之言是殆有合於素位而行不出其位者乎因慫慂付梓以示來者俾人人能如君之不忤不求居易俟命其有裨於世道人心豈淺鮮哉民國八年冬月劉書勳序於邑圖書館

序

梁溪周君莘農商界隱君子也憶於乙卯春余司上海修志局
文牘君以第三媳蔡烈婦在滬殉夫事略請載烈女門由是與
君始相識觀其貌則端凝聆其言則溫雅余旣心焉折之嗣又
郵筒往來寄余印行手輯經驗良方及治家格言繹義等書因
知君爲當代慈善家顧猶未悉其生平焉今年冬君攜所著惜
分陰軒主人述略一冊過余曰予之爲此將示後人俾毋忘予
艱難困苦時也子其本此意以爲我序余受而讀之覺君於家
庭實有處人所難處者卒以委曲誠摯之心隱彌缺憾雖閔騫

高義伯奇孤衷何多讓焉且性好行善凡親族鄰友之貧者無不量力周卹歷年所刊方書善書無慮十數種年終則施衣米而自奉甚儉布衣疏食處之晏如舉孝弟睦婣任恤諸大端則以一身兼之充斯道也雖古聖人之所以化民成俗者亦不外是而已抑尤有慨焉方今政體變更紀綱淪替士夫居高官享榮譽者率皆蠅營狗苟暮楚朝秦詭狀不可窮詰求有食其祿忠其事者百不得一二而君服務商界勤慎自持五十年如一日其卓然能自樹立豈不可愧彼闖茸者流而作之氣哉則是記也以之爲家庭之模範也可卽以之作社會之圭臬也亦無

不可余重君之行誼益欽君之著錄故不辭舛陋而爲之述其
崖略云民國七年戊午季冬嘉定唐頤壽識於滬城寓舍

序

偶儻任俠之士必遇艱貞而始顯至於庸言庸行聖經中所謂
慥慥君子修身齊家推之則治國平天下也凡庸言庸行人往
以平易忽之或能行之一時不克堅持久遠而能始終如一常
變不易甚難能而可貴者故聖門中顏子其心三月不違仁其
餘則日月至焉而已矣吾友周君小農之尊翁莘農先生作
有述略一冊將其平生一言一行記之以示後嗣一日如是日
日如是數十年如一日其壯歲之遭境苦心志勞筋骨拂所爲
動心忍性增益所不能不外持之以勤守之以儉卒能由困而

亨臻於康樂今耄耄之年尙且如衛武公之好學輯善書刊良方解囊剗劖不復吝惜子小農君以醫濟世學澈中西付刊醫案一時紙貴洛陽孫逢儒君箕裘克紹始信天之報施不爽吾願周家後嗣以述略奉爲持身涉世家法一切驕惰放縱奢侈詐僞對於勤儉相反之行爲皆銷化於無形而男婦俱無倚賴於人之心出則融融入則洩洩綿世德於無窮而族鄰戚鄰見而步武者亦能左券之操豈僅一家幸福歟是則虞書滿招損謙受益之言信而有徵矣讀竟敬爲之序皆民國八年歲次己未夏四月日古黟江村王壽芝敬序書

自序

余家世業商鮮通文墨而自幼入塾略識之無學業而後卽有
日記瑣屑畢登從未間斷閱數十寒暑無日或輟惟隨筆直叙
不計工拙余今年將七十暇時翻閱舊稿積幾盈尺回思往事
厯厯在目雖於世道人心無甚裨益而余生平之立身行事自
問尙無愧怍爰將日記刪繁就簡彙成一編昔司馬溫公有言
曰吾無過人者但平生所爲未嘗有不可對人言者耳余雖雅
慕溫公之爲人而市井商人烏得與古之賢士大夫相提並論
且是編所述皆余家常瑣事並無可傳可法之大端竊冀後之

人流覽是編知余一生謹慎小心雖處困苦不堪之境從未有
覬覦非分之思於願足矣若云以之問世則吾何敢焉
民國八年己未仲春梁溪惜分陰軒主人謹識

惜分陰軒主人述略

無錫周憬莘農氏編

清咸豐紀元辛亥十月十三日子時生時居無錫西郭外梓樹

卷口

二年壬子二歲

三年癸丑三歲

四年甲寅四歲

五年乙卯五歲在家讀方字家貧入義塾

六年丙辰六歲旱荒蝗患官吏禁屠宰仍不雨羣議開顯應橋

河鄉人齊戽水田禾將熟忽又霖雨兼旬俗諺滴稻鋪也是歲歉收米價踊貴每石五元四角

七年丁巳七歲五月廿六日先母全太孺人見背時先祖晴川公之柩尙停在家已三十一年之久先君達三公盡力摒擋爲置石家山塋地與先母之柩同時安窆兩柩下船時三把篋纔一葉扁舟亦無鼓樂及執紼之人至今言之悽然

先母之疾產後痺瘡淹纏二十二月蝸蟲燒黑鬢髮全脫先君多方治愈髮復生尺許矣旋因拮据操作鍼衛勤勞又因懞胞姊年十一先母最鍾愛猝患急症未及治而卒有此二